

## Wā eo an COVID-19 ilo Salt Lake County

### Kajitōk Ko Rekut

#### Wōn ro rej aikuj wā?

Aoleb rūtto rej aikuj lomnak aer wā ñan bōbrae jen aer nañinmij kin COVID-19. Wā eo an Pfizer emōj kōmelim ñan jabdewōt armij eo **16 an yiō ak rūttolok**; wā eo an Moderna emōj kōmelim ñan jabdewōt eo **18 an yiō ak rūttolok**. Armij ro elukkun lab aer kujon kadōk uno im ro rebōrōrō ak rej kaninnin rej aikuj bōk melele ibben taktō ro aer mokta jen aer bōk wā eo.

#### Emōj aō kar bōk COVID; imaron ke bōk wā eo?

Aet, toon wōt an mōj am mour jen nañinmij eo im emōj an jemlok ien kōjenolok eo am.

Ejabwe melele kiō ñan ad jelā elañe ak ewi toon ālikin an juon armij maron bar bōbrae jen COVID-19, innem kim ej rōjañ bwe jabdewōt eo emōj an kar bōk COVID-19 en wā ilo ien eo emaron tōbrak in bōke wā eo.

#### Jete wonnen wā eo?

**Ejellok wonnen ñan kwe** ñan am bōk wā eo. Ñe ewōr am joortoklik in taktō, jikin ko rej wā (ekoba Ra in Eymour eo an Salt Lake County) emaron lelok juon muri wonnen aer kōmadmōde wā eo ñan joortoklik eo am Ñe ejellok am joortoklik, rebañ kōmman am muri.

#### Wā eo enaj ke letōk jorren?

Ilo Amedka, elōñ laajrak ko emōj karōki ñan lolorjak an wā ko jab letōk jorren im ejejjet aer jermal. Laajrak kein ekoba katak ko an taktō im etale ko jen elōñ scientist ro rejenolok, ro ewōr aer kabeel kin jermal in taktō, im ro ewōr aer kabeel kin nañinmij ko ibben armij. **Emōj an wā eo an COVID-19 bed ilo elōñ laajrak ko relab, einwōt aoleb wā ko jet; rar jab kajeon jabdewōt laajrak ak ekaiurir kake.**

#### Wā eo enaj ke lelok jorren ñan armij ro roktak lal ko rej itōk jeñe ilo jukjukinbed ko?

Wā eo an COVID-19 ejab letōk jorren im ejejjet an jermal ñan aoleb armij ro oktak lal im manit ko aer. Emōj an scientist ro teeje wā eo ilo aer kōjermal kōmadmōd ko remmon tata ñan aoleb jikin ko oktak lal/manit ko an armij ñan lolorjak ke enaj labtata joñan tōbrak in jemlok eo ñan aoleb jukjukinbed ko. Kim ej kile an maron ejellok lōke kin wā ko--jen tōrre ko jemaan im kiō, elabtata ibben armij ro ejab mouj kilier--bōtab ilo an wonmaanlok COVID-19 kin joñan ko elab oktak im ejelōte jukjukinbed ko armij ro rej itōk jen elōñ lal im manit ko roktak, kejbarok eo elabtata an naj jejjjet an jermal ej ñan ad bōk wā eo.

#### Imaron ke kelet wā ta eo ij bōke?

Ilo ien in, jab. Kwōnaj bōk etan wā eo ewōr ilo jikin eo kwōj etal ñane, im emaron oktak etan wā eo ilo kajojo jikin ko innem kwōnjab katmāne jejjjetin etan juon wā ilo juon jejjjetin jikin.

## **Ewi wāween an kar lukkun mōkaj aer kōmmāne wā eo?**

Katak ko emōj melele jen wā ko mōktalok im rar kōmman ñan kōmadmōde nañinmij ko rar kōmman jen coronavirus ko ([Severe acute respiratory syndrome \(SARS\)](#) im [Middle East respiratory syndrome \(MERS\)](#)) ear jibañ kōmōkaj wā eo an COVID. Waanjonok, katak kin juon wā an coronavirus ñan SARS ear jino ilo 2004!

## **Enaj ke metak wā eo? Ta jorren ak nañinmij ko rej walok ālikin ad bōk wā eo?**

Wā eo ej iwōj ilo wā ñan beim, einwōt wā ko jet rekkā. Ilo ijo rar wāiki beim kwōmaron eñjaak jidik metak im ebboj. Jet armij remaron eñjaak jidik biba im mōk, metak, biō, ak metak bar iomwin juon ak ruo raan. Jorren ak nañinmij kein elablok aer ekkā ālikin wā eo kein karuo ibben armij ro rediklok yiō ko aer. Kakōlkōl kein rej kōkkāāle ke kein bōbrae eo an enbwinnim ej jino bojak im kōmmāne men eo ej aikujin kōmmāne. Ilo keij ko relōñ, ekkā eñjaak jidik abnōnō jen biba ak metak. Kebaak taktō eo am ak jikin taktō eo am:

- Ñe burōrō ak metak eo ilo ijo kwar bōk wā eo enaj lablok ālikin 24 awa
- Ñe jorren ak nañinmij ko am rej kainebataiki eok ak einwōt rejab jako lok ālikin jet raan.

## **Wā eo emaron ke letōk COVID ñan na?**

Jab.

Ejellok kij mour iloan wā eo im ebañ lewaj COVID ñan kwe.

## **Ewi wāween an wā eo jerbal? Enaj ke jelōte DNA ak kij in bōrañ ko aō?**

Wā ko an Pfizer im Moderna rej kōjerbal juon kein jerbal kabeel ilo ad jelā ej mRNA, ak messenger RNA. Lomnak ke kein jerbal kabeel in ej wā eo ej lelok cell ko iloan enbwinnim juon enaan kin tibdik in kōmelele ko kin wāween kōmman antibody ko jen COVID - ilo wāween in, enbwin ej katak wāween kejbarok emake ñe ak ilo ien molin kij in nañinmij eo enaj jede. Wā ko an mRNA rejab kōjerbal kij mour eo ej kōmman COVID, im mRNA eo ejab deloñe nucleus eo ej kobban cell eo, im jikin DNA ko ad (kobban kij in bōrañ) rej kakwōn. Ilo kakadu, wā kein rej kejbarok kwe jen COVID im rejab jañiji ak jelōte kij in bōrañ ko am ilo jabdewōt wāween.

## **Ñe ewōr men ko ij kadōki, ij ke aikuj inebata?**

Armij ro ewōr aer mennin kadōk ko rekauwōtata im emōj aer kar anaphylaxis (juon kadōk ekauwōtata ñan mour im ekkā an walok ebboj, nennab, diklok joñan aer in bōtōktōk, im ilo keij ko rekauwōtata, lotlak) ilo tōrre ko maanlok, rej aikuj kenono ibben taktō eo aer ak jikin eo ej lelok wā eo kin wāween aer maron bōk wā eo ilo kejbarok im ta mennin kejbarok ko remaron kōmmani.

## **Imaron ke wōt bōk wā eo ñe ejellok aō beba in deloñ Amedka?**

Aet.

**Kim bañ kajitōk kin jekjekin am bed iomwin kakien kin jabdewōt wun.** Im bareinwōt, jabdewōt melele emōj am letōk ñan jikin ejmour eo ebañ ajeeded im reñaj kejbarok melele eo im **EBAÑ** ajeeded ñan jabdewōt, ekoba jabdewōt obj ko jet .

## **Ilo aō bōk wā eo enaj ke bōnōbōn einwōt “jibañ in kien ñan rilikin”?**

Jab, am bōk wā eo EBAÑ bōnōbōn ñan kwe iomwin kakien eo an jibañ in kien ñan rilikin.

## **Ewi toon bwe en jerbal wā eo?**

Ñan wā ko an Pfizer im Moderna jimor, renñaj lomnak kwōlukkun bed ilo kejbarōk ilo 14 raan ālikin am bōk wā eo kein karuo.

### **Ij ke aikuji ruo wā ko?**

Aet. Wā ko an Pfizer im Moderna jimor rej aikuji ruo wā ñan an lukkun jeppet aer jermal. Ñan wā eo an Pfizer, kwōj aikuj bōk wā eo kein karuo jab diklok jen 21 raan ālikin am bōk wā eo kein kajuon. Ñan wā eo an Moderna, kwōj aikuj bōk wā eo kein karuo 28 raan ālikin am bōk wā eo kein kajuon.

### **Ñaat eo ij aikuj bōk wā eo kein karuo?**

Ñe kwar bōk wā eo an Pfizer, kwōj aikuj bōke wā eo kein karuo ālikin 21 raan ñe ejab tōkelik ālikin am kar bōk wā eo kein kajuon. Ñe kwar bōk wā eo an Moderna, wā eo kein karuo ej ālikin 28 raan ak tōkelik ālikin am kar bōk wā eo kein kajuon.

Kwōjab aikuj bōk wā eo kein karuo ilo jeppetin raan 21 ak 28; emaron jabdewōt ien ālikin raan kein.

### **Ta eo enaj walok ālikin aō bōk wā eo?**

Aurōk am wonmaanlok in loor wāween kejbarōk ko jen COVID jekdoñ ālikin am bōk wā eo; emaron bōk ien ālikin ien am kar wā ñan an enbwinim kōmmāne wāween an bōbrae jen nañinmij eo. Kim bar aikuj an lab joñan armij ro rej wā mōkta jen amim jino jolok kein kalbubu māj ko, kattolok doon, im wāween kejbarok ko jet jen nañinmij--im mennin enaj bōk elōñ allon ko.

### **Ewi toon an naj jermal wā eo? Inaj ke aikuji bar juon ilo yiō eo juon?**

Mennin renaj lale ilo jeklaj. Wā ko an coronavirus remaron naj juon makūtkūt ej kōmman aoleb yiō, einwōt wā eo an būlu. Ak emaron ke jibañ ko ilo wā eo reñaj tolok aer bed jen juon yiō. Jej aikuj kōttar im lale wāween an kajur kejbarok eo jen wā ko.

### **Jikin jermal ko remaron ke kōmman bwe wā ko ren mennin aikuj?**

Ewōr an jikin jermal ko maron in kadel rijermal ro aer bwe ren bōk wā eo. Elōñ jikin jermal ko an aujbitol, einwōt waanjonok, rej aikuj an rijermal ro aer bōk wā ko an būlu aoleb yiō. Bōtab rijermal ro remaron kabōk mennin kōmelim ñan aer jab bōke wā eo ekkar ñan nañinmij ak tōmak in kabuñ ko aer. Ilo keij rōt kein, rijermal ro rej aikuj lelok juon "jibañ ewōr joñan" - ilo an ejellok wā eo an coronavirus, waanjonok, juon rijermal emaron melim an jermal elañe enaj ekōnak kein kalbubu māj, ak jermal jen mweo imōn.

### **Ia eo imaron bōk melele ko relablok?**

[Lale Obj eo an Amedka Ej bōk eddon kejbarok im bōbrae nañinmij \(Center for Disease Control and Prevention - CDC\) ñan melele kin COVID im wā eo.](#)